

遺山先生新樂府

道山先生新樂府卷第五

臨江仙

留別却和之

昨日故人留我醉今朝送客西歸古來相接眼中稀青
衿同舍樂白首故山違九萬里風安稅駕雲鵬悔不
昇飛回頭四十七年非何因松竹底茅屋老相依

鷓鴣天

宿趙州

宿酒稍來睡思輕夢中身世可憐生綠衿紅燭櫻桃宴
畫角黃雲細柳營秋歷月朧明步檐倚杖候晨星

無窮宇宙無窮事一笑山城打六更

二

彈袖垂肩士女圖
豔歌還似將鶯雛
一春楊柳吹綿後
五月榴花照眼初
明畫燭倒金壺
使君曉風宴西湖
老來忘來行雲夢
猶要春風醉後扶

阮郎歸

崢嶸秋氣動

一作好

千崖川平晚照回
小橋流水送吟鞋

無人覺往來

歌亂石坐蒼苔
一杯復一盃

一作哦詩
不置才

田家次第有新醅黃花細細開

玉樓春

秋燈連夜寒生暈書斫朝來龍尾潤
牕窓影暗移時
撼撼檐聲還一陣
黃花白酒登寓近
意外陰晴誰處
問青山只管總行雲
忙煞晚風吹不盡

二

流光不受長繩繫樂事且須論
早計丹成鷄犬亦登仙
運去英雄空掩涕
花迎酒笑寧無意
酒藉花香尤有

味由來夷路不多爭喚向花間同一醉

三

秋風茅屋浮雲嘯汗漫招來嵇與阮儘從鶴竹更腰金
獨恨騎曹餘手板酒中最好截疎嬾深江紅螺客細
卷世間只沒閒人舉步有閒渠自遠

四

人間髣髴髮隨秋換天上月明秋又半月邊仍有女來鸞
萬古與誰期汗漫天翁苦被閒人管月好却嫌秋夜

短如何能得夜年長月也長如今夜滿

五

驚沙獵獵風成陣白雁一聲霜有信琵琶腸斷塞門秋
却望紫臺知遠近深宮桃李無人問舊愛玉顏今自
恨明妃留在兩眉愁萬古春山顰不盡

六

惜花長被花枝惱一夜落紅紛不埽綠雲為幄繡為裯
不惜春衫還藉草尊前莫恨春歸早來歲花開應更

好了寧雙燕從春還向道惜花人未老

七

楚娘最瘦腰圍小曾看新聲歌水調已看天上駐行雲
更向花間留晚照傾城不博嫣然笑刺破千金猶恨
少少年恰是惜春時第一莫教容易了

江城子 繡香奩曲

吐尖絨縷漫胭脂淡紅滋豔金絲畫出春風人面小桃
枝看做香奩元未盡渾一首斷腸詩仙家說有瑞雲

芝瑤雲芝似瓊兒向道相思無路莫相思杯秀合歡花
樣子何日是合歡時

鷓鴣天

著意尋春苦未遲無情風雨妬芳期青樓天遠無書到
綉被寒多抵夢知雲淡淨月低迷洛陽山色見愁眉
何時重解香羅帶細看春風玉一圍

二

淡淡青燈細細香四更人語在幽窓西風數點迎秋雨

六尺湘紋滿意涼

秦樹遠楚山長綠嬌紅小負年芳

鴛鴦莫道

離恨鎖到金籠恰似雙

定風波

小

香來醉夢中夢回幽賞惜忽忽只道南枝開未半

誰換等閒都逐曉雲空

蕭洒小溪新雪後唯有蕭

霜葉臥殘紅幾欲問花應有恨休問爭教不肯嫁春風

清平樂

村墟蕭洒似是朱陳神武衣冠須早挂可待兒婚女

嫁
山深水木清華漁樵好箇生涯夢想平橋南畔竹
籬茅舍人家

浣溪沙

秋氣尖寒酒易消秋懷無酒更無聊夕陽人影卧平橋
菊就西前都爛熳柳從霜罷便蕭條夜來風色似今

朝

二

一片青天舉棹過小舟無地受風渡漁歌渾是太平歌

何
鄉社年豐尋酒易陂塘春暖得魚多百年閒過又如

三

夢裏還驚歲月遒
戰魚風退不勝秋
人生難異水同流
酒力有神工駐景
丹房無藥可燒愁
陶陶兀兀老時
休

四

一片烟蓑一葉舟
夢中身世是滄洲
戰魚風退不勝秋

流

秋月春花行處有蒼苔
濁酒醉時休人生雖異水同

五

為愛劉翁駐玉華
暗將心事許烟霞
石田茅屋老生涯
鐵笛不須從二草
頭巾長擬挂三花
他年人說漫郎家

虞美人

花心苦被春搖蕩
粉豔嬌相向
隔簾微雨送幽香
來羨

寒梅踈影月昏黃
芳溫一念何時忘
笑了還惆悵無
端開近宋東牆
真箇曉人情思斷人腸

鷓鴣天

八月蘆溝風露清
短衣孤劍此飄零
蒼龍雙闕平生恨
只有西山滿意青
塵擾擾雁冥冥
因君南望湧金亭
還家剝買宜城酒
醉盡梅花不要醒

二

飲量平常發興偏
留連光景惜飲緣
悲歌慷慨人爭和

醉墨淋漓自笑顛
麟閣畫祖生鞭拍浮多負酒家船
老來事事消磨盡只有尊前似少年

三

身外虛名一羽輕
封侯何必勝躬耕
田園活計渾閒在
詩酒風流屬老成
三會水半山亭村
花柳自升平
錦城未比還家好
何處而今有錦城

南鄉子

衰思怯登樓
百感中來不自由
人意時情誰解得
悠悠

一片黃雲盡角秋
汾水遶城流
流盡來顏到白頭
萬事且休論
一醉都休前日黃花蝶也愁

朝中措

春閨寂寞掩蒼苔
風雨卷春迴
擬寫碧雲心事
筆頭無句安排
燈昏酒冷
愁牽夢引
直似秋懷
料得醺醺知我枕邊時有香來

點絳脣

連夜春寒夜未好
夢孤衾暖
寺樓鐘斷却恨更籌短

一點清閒情苦被離愁管西城晚雁飛天遠草色歸心滿

浪淘沙

劉公子家園秋日海棠

何處挽春還華屋金槃一枝紅雪入鶯看總為西園風
露早特地高閒寂寞曲闌干高髻雲鬟綠羅衫子瘦
未寬好箇沈香亭畔月只枉秋寒

朝中措

與石子璋別求作樂府得麻字

驚絃裂石筆生華清興入悲笳為愛南山夜獵笑人杜
曲桑麻高歌醉恨千金駿馬八月仙槎都把平生湖

海看君咫尺龍沙

點絳脣

紅袖憑闌畫圖曾見
崔徽半吹簫誰伴白地肝腸斷
未了塵緣可道歡緣短
雲山亂武陵溪岸幾誤鶯聲喚

二

把酒留春醉扶紅袖
花前倒落花風掃紅雨深芳草
又恨春遲又恨春歸早
花應笑惜春人老狂被春風惱

秋色橫空

玉蕊輕明洗妝偏費春風手
韻香襟袖別是閨房秀
錦瑟華年醉

東園酒西歸後舊家花柳誰得何郎瘦

鷓鴣天 中秋雨夕同欽叔飲樂府宋宜家

著意朝雲復暮雲良宵留在宋東隣
玄霜玉杵期無定
高燭明妝賞更新
團扇曲畫梁塵萬家秋氣一家春
月光不照金尊裏只為妖嬈醉得人

江城子

梅梅柳柳開新晴
趣清明鳳山行畫出靈泉三月晉蘭

亭細馬金鞍紅袖客能從我出重城
賞心樂事古難并玉雙瓶為冠傾一曲
清歌休作斷腸聲頭上花枝如解語
應笑我未忘情

臨江仙

清曉千門開壽宴綺羅香繞芳叢紅
嬌綠軟媚光風繡屏金翡翠錦帳玉
芙蓉珠履爭持添歲酒葡萄酒飲
金鍾人生福壽古難逢好將家慶事

下闋

二

楊柳池塘桃李徑
華堂壽宴初開
團春翠幙舞風迴
東山携妓吏女
北海整尊罍
玉笋輕敲紅象板
金荷漱瀝傳杯
笙歌繚繞宴春臺
華山間日月野
醉蓬萊

青玉案

熙春堂下花無數
紅紫映桃溪路
蝶狂蜂來知幾許
翠筠亭外綠楊隄
畔時聽嬌鶯語
綺筵羅列開尊俎
總是神仙侶
競舉笙歌馳玉醕
介公眉壽年年此日
長與花為主

南鄉子

遲日惠風柔桃李成蹊綠漸稠把酒尊前途盛旦凝眸
十里松湖松瑞氣浮功業古難侔宜在凌烟更上頭彩
色眉間浮喜氣風流千歲三公萬戶侯

玉樓春

謫仙暫下金鑾殿歡宴瑤池春來晚飛瓊獻舞錦靴寒
弄玉吹簫銀字暖壽觴阿母年年勸猶道碧桃香尚
淺花開更待幾東風應見華年千歲換

減字木蘭花

瑞雲仙露拂曉重重遮繡戶一炷清香千尺流霞入壽觴
家門轉好從此自應長不老來歲春風看西福

小令公

朝中措

香輕紅淺露梅腮江上早春來玉佩聲朝丹闕霓旌影
下瑤階
朱門向曉三千珠履十二金釵碧海金鸞來
報蟠桃一夜花開

西江月

骨相匿犀秀發精神聳鶴孤高少年事業富侯臯便向
中書書考 肘後不傳丹訣眉間新長脩毛一壺春色
宴蟠桃作介歸榮忠孝

聲上慢

香浮椒柏暖人醪酥瑞氣曉生簾幙絳闕真人來自五
雲樓閣青雲路歧道過挂冠歸水晶樓閣簫散處有壺
中日月放龜鶴 好是朱顏難 嬉遊處不減少年行

樂正好尋春莫負燕期鶯約沉沉洞天向晚按宮商重
調音樂願歲歲聽新聲笙歌院落

滿庭芳

臘雪溶酖春冰浮玉素蟾三五纔過曉來庭戶何事
五雲多盡道九天麟降錯環佩聲最鳴珂風標爽冑中
鬼窟豪氣挽天河平生橫槊忘指揮夷虜平干戈
他年功業翠琰應磨福海壽山難老金尊滿鯨吸滄波
歌聲溢玉山扶起拚取醉顏酡

朝中措

蕙旌烘日繡波翻。霜曉試輕寒。高宴黃堂初啟，雲外到
仙班。畫明麗錦香浮，寶鴨身在蓬山。三見揚塵滄海，
春風一笑人間。

千秋歲

玳筵晨啟。家慶堪圖繪。新楊弄暖，蕙攏邃。捧觴羅袖窄，
疊板歌喉脆。香雲裏，輕裘小帽，仙翁喜。替玉親賓至。
服彩兒孫戲。開口笑扶頭醉。金穴富。貂蟬貴。

只恁地團樂共樂千秋歲

念奴嬌

嚴陵臺畔枕清江仙府重金碧玉軸牙籤三萬卷環列
人間東壁名世高風遵遺訓繼踵皆豪逸聯翩簪組
滿門輝映金屏談笑穩步青霄扶搖九萬里垂天橫
翼大纛高牙三授鉞凜凜威行南國月滿三山春回八
部宴寢凝香席祈公難老鳳池長醉春色

壽山陵

夏景
集曲名

梁州夏早南浦荷花媚人月欲圓時賀聖朝生申名世
桂枝香滿早奪錦標迴春先好少年遊爛醉蓬萊裏
謁金門貴小鎮西南地品令貫三臺謁誰望江南北
歸朝歡樂好事近佳辰風流子玉團兒為唱千秋歲

一井金

綠陰清晝雨茸梅子黃時候華堂金獸香潤爐烟透舞
燕迴輕袖歌鳳翻新奏院靜人稀永日遲遲花漏一
杯為壽笑捧處自傳纖手釵頭花有瑞草宜男不願金

盈梵不願珠盈斗惟願薰風歲歲人長久

浣溪沙

修竹移陰未出牆好風斜綽露荷香壺中六月也清涼
不教寂寞靈椿仙客要看丹桂滿林芳尺教光景為人
長

瑞鶴仙

薰風絃上奏正蛙鳴池沼鷺吟槐柳鼠涎噴金獸一番
疎雨梅黃時候神仙舊友愛五亭山明水秀向時度

旦高明富貴始由人授 知否風流儒雅利達叢中似
公栴有芝蘭挺秀看早晚定成就况雪兒佳麗歌清舞
妙管取天長地久願年年預借菖蒲勸君壽酒

千秋歲

雙紋綵袖 舞霓裳後 香露暖瓊甃綠鬟蟬影動
小裙湘羣繳歌聲斷彤雲盡日 晴晝 冰絲輕雪藕
細酌鵲兒酒任醉擁佳人手綵衣行樂事莫惜盃如斗
千萬壽願如明月天邊久

瑞鶴仙

薰風院宇藹清香凝戶曉涼如雨開簾望蓮渚擁輕紅
嫩綠三千宮女商泛羽命雙成嬋娟妙舞記當時初
下瑤池閬花_碑軒來處幾許玉簪珠履玳筵綺席壽
觴初舉從容笑語吹簫伴珍鸞女笑靈椿難老蟠桃頻
見蓬瀛便往看家庭葉葉金貂鳳池穩步

喜遷鶯

清和時序望桂影漸生薰風微度拂金枝傳芳玉葉天

下瑞麟重觀競

謝庭蘭振振西靡鷺慶門裏把丹桂

爭折青雲平步

聲譽喧盛世詠

今稱美願與岡陵同固

更著取繼沂公勲叢東平第一

西江月

物外神仙風骨人間富貴功名眉長新有秀毫生蕩座
酒光花影 清暑玉壺晝永少年金印身輕他年旌節
看歸榮笑傲五湖烟景

浣溪沙

借得陪京尺五天。碧油旂裡裏地行仙。政成多暇且同歡。
梅雨。江銷繡閣薰風高。閣水晶寒長鯨飲罷玉壺乾。

二

瓊壓為漿玉作卮。使君真是吏民師。碧桃仙酎飲鄉期。
五馬旌。浮喜色。南溪風月要新詩。緩趨。及瑤池。

黃鵬遶碧樹 秋景

駕瓦霜輕翠簾風細高門瑞氣
積慶深深有長庚
應夢喬岳生賢妙齡秀潑謝庭蘭玉爭妍名動縉紳况
文章政術俱是家傳 別有神功厚德向東州治獄平
反玉函高第仙風道骨錫與長年最好素秋節有時畫
堂高啟賓筵何妨縱樂笙歌 觥觥

滿庭芳

丹染吳楓青環越岫鏡天霽色凝鮮畫堂環佩瑞藹擁

神仙天遣澄清海宇親曾受黃石奇編興玉略智名俱
美功業妙難言

翩、迴立香飄袞服繡色映貂蟬有
清詩千首美酒如川長與嫦娥共約放飛輪今夕光圓
中秋月從今屈指更借一年年

念奴嬌

一年好處是西風繡出東籬寒菊蝶舞狂誰便道今
夕清香不足令尹風流年年春事小雨一犁新綠園扉
人靜抱琴時弄幽獨聞道野老相呼幽尋仙洞乞與

長生籙鶴髮童顏須待得王母蟠桃初熟只恐相將日
邊催去鳳沼鳴環玉娉婷一笑為渠且盡醺醖

訴中情

秋風吹綻北池蓮瑞雲樓閣鮮畫堂今日嘉會齊拜玉
爐烟斟美酒祝芳筵捧觥船宜春耐夏福祿兼全富

貴長年

望公門

玉壺清漏起微涼好秋光金杯潋灩酒酌瓊漿會仙卿

百十長

新曲調絃筦新聲更舞霓裳博山爐暖泛濃香為壽

蝶戀花

紫菊初生朱槿墜日好風清漸有中秋意更漏乍長天
似水銀屏展盡遙山翠
繡幙卷波香引穗急管繁絃
共慶人間瑞滿酌玉杯繁舞袂莊椿願祝千千歲

折丹桂

秋風秋露清秋節秋雨過秋香初發二仙生俱好秋天

氣節與秋霜爭烈
秋霄開宴羣仙列
秋娘唱秋雲低
遏壽杯雙勸祝千秋鎮長時中秋皓月

永遇樂

龍閣光分鳳毛榮繼當世英妙山岳儲靈長庚應夢還
慶佳辰到黃花浥露碧瓦凝霜香馥郡齋清曉憶當年
青雲平步共喜躋躋華要陰功厚德玉函金篆錫與
世間難老注意方濃分符屢請雅志人少棠陰訟
樂府新教正好醉山頻倒有誰似萊衣遊戲萱堂壽考

少年遊

芙蓉花發去年枝，雙燕欲歸飛。蘭堂花軟，金爐香暖，新
曲動簾帷。家人拜上千春壽，深意。瓊枝綠鬢未顏
仙風道骨，長似少年時。

洞仙歌

千崖滴翠，正高秋時候。橘綠橙黃又重九。有蓬壺仙子，
赤鯉來游。風雲會、施展經綸妙手。去年稱壽處，北斗
天漿，今夜天漿挹南斗。聽笙歌雲裏，奏月蕩、瓊樓瑤臺。

上擁出姮娥酒待脚踏層雲倒天河盡傾向霞觴與君
為壽

蝶戀花

最是今年秋好處橘綠橙黃半帶金莖露翠幙珠簾開
紫府五雲深處台星聚昨夜玉皇傳詔語閒道君家
勲業高前古賜與金丹并玉醕壺中日月留長住

朝中措

金風飄拂瑩蟾光依約桂華香紫府雲輶遊冶朱門錦

繡高張

笙歌叢裏霞瀲灩玉樹芬芳共祝壽齡何似

今松柏堅長

虞美人

一杯薄酒休辭醉願一千二百歲白雲長伴此身閑桂
月頻風分取壺天鵲爐香黃金尾庭院生秋意
倒傾銀漢銀漢作流霞賸看蟠桃碧海記年華

玉樓春

烟爐不斷騰金獸香霧人簾波影皺秋堂錦席豔羣仙

不惜醉羅

舞袖

繁絃脆管春風手嬌媚如花輕似

柳勸君須盡眼前歡酌酒十分千百壽

卜算子

壽酒不論盃樂奏呈歌舞先生中元七日生風露涼如
許
好待月嬋娟好與姮娥語分付諸郎桂一枝更覓
月中兔

點絳脣

玉宇沉沉綠窓朱戶還相
碧池回遶全似蓬萊島

今夕笙歌兩兩雲鬟小
爐烟裊壽觴傾倒長願朱顏好

瑞鶴仙

四山秋氣爽正雲淡銀河露零仙掌輕烟瑞屏障有文
星一點

從天上襟懷倜儻笑談間光皎萬丈向玉皇

朱宸秋毫

紙屢承天獎

何況雲龍風虎萬乘故人

兩朝耆望油幢玉帳聽環佩丁東嘗看彈絃吹竹年年
高會增壯中秋氣象有月中玉兔長生借公醉賞

鷓鴣天

壽著終開蒼四
秋光著意主人家
清香未許人間識
先占重陽
兒綬綠母金花
班衣庭下樂無涯
要知他日中書考
細步沙隄隄上沙

滿庭芳

偃屈霜清
棧層烟碧
古人間山
光林色常伴佳
人閑元有仙風
道骨無心起玉筍
朝班歸來賦不因五
斗談笑挂衣冠
尤難誰不羨商山
橘樂渭水漁竿別
相君王子助發幽
歡共壽觴多少南
溪共北海波瀾

君知否廟堂有意相與寒嚴

蝶戀花

一霎秋風驚畫角粉膩紅嬌尚折荷花面草際露垂出
響遍珠簾不捲留歸
埽掠亭臺開小宴四坐清歡
莫放金盃淺龜鶴延年
壽遠陽春一曲情何限

朝中措

年年金蕊豔西風人與菊花同霜髻經霜重綠仙姿不
飲長紅
焚香度日儘從容笑語調兒童一歲
盃為

壽從金更數千鍾

南歌子 冬景

愛日烘晴晝。輕寒護小霜。小春庭院繞天香。仙佩珊珊，來自五雲鄉。庭下芝蘭秀。壺中日月長。要看鬢綠與瞳方。一笑人間，千歲飲淋浪。

鷓鴣天

萬古寒光太白精。直宜分作兩郎星。不然安得難兄弟，先後堯、莫三英。生。霜月冷，斗杓橫。老人今夜亦齊明。

他年莫作郎星看兩兩 躔拱太清

踏莎行

月挂瓊鉤日添繡綫綺窓翻浪重重捲風傳環佩曉珊
珊畫堂羯鼓催開宴 翠縷香凝玉膏酒豔仙翁莫訴
玻璃滿鳳卿丹詔下雲霓千秋長侍黃金殿

金菊對芙蓉

銀燭搖紅獸烟噴翠正小春時候愛日和融玉天當日
生英傑天付與道骨仙風文章冠世詞傾峽水筆掃秋

虹
更有福壽無窮喜克家有子孫又英雄莫人間何
物可以形容除非後夜團圓月年年共皎潔相同捧卮
為壽殷勤
滿冷金鍾

滿江紅

寒日春溫照庭院瑞烟芬馥人盡道衡山當日謫仙新
疏子舍榮華孫
茂詩書萬卷生涯足但放懷壽酒千
分斟添香祝
竹太瘦松偏獨鶴易怨龜何俗莫人間
無物共供新曲但願長如天上月年年此夕光如玉

長庚百歲永團圓蟠桃熟

南鄉子

梅雪弄芳馨綫日迎長缺日
莫爭看琴堂稱賀處娉婷
滿捧霞觴燦庭鶴算更龜齡
八十仙翁醉後醒好
情各陽馳譽手丹青畫與人間作壽星

水龍吟

玉梅含臘傳香瑞
莫秀英開三四蓮花沉滿
熊罷占應
洛陽名商歲比甘羅便疎同
墜累基觀志向脩文寓直

仙樓侍宴梁王寶真難儂
多少襟懷未試暫超然壺
中游戲試看獻策歸瞻旒
太常勲紀歌遇巫雲舞回
鄒莞金釵扶醉有陰功仙
賜丹砂千紀壽祺金界

千秋歲

塞垣秋草又報平安好尊俎上英雄
儀表金陽生氣象
珠玉霏談笑春近了梅花得似人難老
莫惜金尊倒
鳳沼看看到留不住江東小
從容帷幄裏整頓乾坤了
千百歲從今便是中書考

滿江紅

雪鳴霜林

一夜報春消息看是處青回柳眼粉勻梅

額和氣已迴傾斗闕壽星更喜明南極問四并節物奉
誰歡遼東客
熊夢旦非常日殊履闌金釵密指雙溪
千頃共斟瓊液不用殷勤千歲祝姓名已上神仙藉但
時從玉母借蟠桃躬親摘

滿庭芳

絳闕凌風瑤池玩月衆仙侍立清班就中仙伯乘興到

人間洒落襟懷萬頃詞源壯三峽波瀾偏唯有清游自
適不肯餌金丹清閑誰得似軒名佚老名利都闕但
夢中時到方丈蓬山滿泛盃中玉液應知是生長堯年
憑誰勸雲璈度曲醉朱顏

鷓鴣天

內府清虛息萬緣逍遙真是地行仙從他玉帶金魚貴
聽我綸巾羽扇偏傾美醞祝長年休辭澁豔十分圓
來年此日稱觴處定有重孫戲膝前

二

鶴馭從來玉帝前
笑談勲業照凌烟
壽寓仙經千百載
春在壺中別有天
香似霧酒如泉
華堂冰雪映羣仙
靈梅不老青松健
花裏年年醉管絃

減字木蘭花

幕天席地瑞燭香濃
笙管沸白紵衣輕
鶴髮童顏照座明
輕簪小珥却是人間真富貴
好倩丹青畫與人間作壽星

蝶戀花

急鼓初鐘催報曉樓上今朝捲起重簾早環佩珊珊香
裊裊塵埃不到蓬萊島何用珠璣相映照韵美形清
自有天然好莫向尊前辭醉倒松枝鶴骨偏宜老

玉樓春

風穿綉幕虹波皺月照寶簾花影透酒凝嫩臉醉紅桃
喜入城眉舒翠柳瓊英檀暈花栽就烟噴壽爐香滿
袖金枝元是玉皇孫遐真願同王母壽

訴衷情

海棠珠綴一重重清曉近
簾櫳胭脂誰與勻淡偏向臉
邊濃
看柔嫩惜花紅
窮如花似蝶歲歲年年占
春風

滿庭芳

千里輕陰一川新綠不應春事來遲試探消息猶未減
羅衣誰信閨房秀色倚風試桃李先枝呈纖巧吹香滿
粉慢放鏡奩移
芳時常在眼歌清舞軟烟縷霏霏向

金徽促柱玉局彈碁儘待功成九轉蓬萊近未肯昇樓
還應是梁鴻舉案同作百年期

驀山溪

羣花爛熳春色濃如酒芳草綠鋪砌止酴醾牡丹時
候佳辰恊瑞來降玉宮仙珠簾捲畫堂深香霧騰金
獸朱顏不改常如舊金尊莫辭深拚通宵儘從銀漏
笙歌叢裏惟聲度年華看榮貴有兒孫永祝松椿壽

南卿子

人日過三日元宵便五宵共言今日好生朝皓月光輝
香動玉梅梢
謝女工飛絮周郎待小喬年年燈下醉
金蕉鬢影蒼裘全縷細鵝毛

滿江紅

春前臘後高樓外梅飄香馥正雲輶初下瑤池西曲
羅幙笙歌團粉黛階前青紫團蘭玉更如賓相待袞衣
新博浮醪
柔懿範康寧福榮耀事都齊是向寶薰烟
裏壽祺同祝非雪仙姿元不老丹臺已注長生錄更從

今歡宴幾何年
蟠桃熟

江城子

綠陰庭院燕鶯啼
繡簾垂
瑞烟霏
一片笙簫風過彩雲低
疑是蕊宮仙子降
翻玉袖
舞瑤姬
冰姿玉骨自清奇
看孫枝
列班齊
畫鼓笙歌喜
映兩顰眉
袖裏桃花霧濕
應不惜
醉金卮

燭影搖紅

紅葉翻階曉
風微扇
回輕暖
羣仙高跨
紫雲車
來赴蓬

萊宴繡幙圍香逦遠顰簾花時時影轉彩衣嬉戲玉女
回環綠嬌紅軟

羨玉調絲喜音繚繞笙歌院蟠桃花

飛瓊女伴捧瑤觴何妨屢

勸百年偕老五福齊眉人間掃見

朝中措

年年重五近佳辰符艾一番親滿酌九霞香醞壽君兩
鬢長春
閨中美秀如何賦得林下精神早辦布襖共
為雲水閑人

好事近

梅潤乍晴天。簾捲畫堂風月。珠翠共迷香霧，是長年時節。
瑤池畫宴羣仙驚，笙未吹、徹玉母醉中微笑看蟠
桃初結。

青玉案

蝦鬚簾上銅鉤小。玳瑁內、輕寒繞。紅葉微香侵語笑。金釵珠履，鳳簫鼙鼓，疑是蓬萊島。
萱堂日日春生貌。嫩綠依然鬢邊好。賦脩齡應不少。年年長見，畫堂宴

樓外青袍草

天仙子

水曲橋平雙燕語密密層陰圍繡幙梅枝不受暑光侵
携玉斧迎仙女為問乘鸞何處所杯酒流行無盡處
繞膝花前後舞笙歌移下蓬萊天付與凌雲侶京兆
近來眉更嫵

點絳脣

簾捲荷香綺羅人在薰風裏謝庭家世來作閨門瑞

象服魚軒占盡人間貴應難比蟠桃花底一醉三千歲

鷓鴣天

裊裊香風響珮環廣寒仙子跨青鸞誰教瑞世儀周國
賦多才繼小山 鈴閣靜畫堂開袞衣象服 團圓
年年此日稱觴處留得菖蒲駐玉顏

又

五福仙娥月殿來依然微步彩雲堆一從別有瑤池宴
不見蟠桃幾度開 歌宛轉舞徘徊碧梧秋意滿池臺

年年玉露收殘暑長送新涼入壽杯

蝶戀花

玉宇生涼秋恰半月到今宵分外清光滿
鬼魄呈祥冰彩爛廣寒宮裏迤華旦
聰惠風流天與檀玉骨冰姿本是飛瓊伴
且領綠衣持酒勸蟠桃待熟瑤池宴

感皇恩

濃露湛秋容涼生曉斗帳蕙蕙瑞烟裝
佩霞符夢初誕雲妃媚妙水姿和玉骨天然好
菊韻連敷翠睂年少

消得相如共偕老壽酒深斟惟願早封新號更期先揮
上宜男草

玉樓春

紫薇朱槿繇開後枕簟微涼生玉漏玳筵初啟日穿簾
檀板欲開香滿袖紅衫侍女頻斟酒龜鶴仙人來獻
壽歡聲喜氣逐時新青鬢玉顏長似舊

念奴嬌

金神按節先下弦一夕分明秋色銀漢光浮天紺滑星

彩遙瞻南極阿母分桃挂蛾饋葯稱慶于今夕解顏微
笑捲簾初識姑射脩脩沉湮橫空待高承仙掌精調
液金鼎還丹光十丈一嚙龜齡千億綠髮堂中綵衣庭
下瑞饒仙宅機雲惟舞雅歌聲動瑤席

鷓鴣天

綵舞萱光喜氣新年年今日慶生辰碧凝香霧籠清曉
紅入桃花媚小春須酩酊莫逡巡九霞杯冷更溫
壺天自是人難老長擁笙歌醉洞雲

畫堂春

月娥來自廣寒宮步搖環珮丁東戲鸞雙舞駕天風雲
滿虛空一翦玉梅花小九霞瓊醴杯濃鳳蕭千載莫
忽忽且醉壺中

點絳脣

冰雪神人歲寒時節迎初誕照溪梅綻秀嶺孤松遠
香霧氤氳不放重簾卷歌聲緩酒杯深畫堂此會年年
見

願成雙

繡簾高捲沉烟細
燕堂深玳筵初開
階下芝蘭勸金卮
有多少雍容和氣
翠眉偕老應難比
效鳳鸞鎮日于飛
惟願一千二百歲
永同歡如魚如水

柳梢青

玉嫩紅嬌花如月
斜裊金翹
楚女腰肢小
喬風韻難比
妖嬈
當年約住藍橋
便回首仙路遙
一曲清歌千鍾美酒
同慶生朝

道山先生新樂府卷第五終